

Lago Tanganjika



Estas la plej granda dolĉa lago kaj la dua plej profunda en la mondo post la lago Bajkal en Siberio. Ĝi kuŝas meze de naturaj belaĵoj kaj atingas la riveron Kongo kaj Atlantikan Oceanon. Burundo, Tanzanio, DR Kongo kaj Zambio profitas partojn de la lago, kiu kovras areon de 32.900 km².

Tanganjika lago estas ne nur turisma distraĵloko; ĝiaj ĉirkaŭaĵoj estas ankaŭ aranĝitaj por diversaj ekonomiaj aktivaĵoj. Minoj, bredado kaj agrikulturo estas la ĉefaj ekonomiaj aktivecoj surloka. Fiŝkaptado estas ankaŭ grava industrio en la lago, kun grandaj varioj de fiŝoj. Novaj specioj de fiŝoj estas ankaŭ regule trovitaj en la lago 350 specioj de ekzistantaj fiŝoj.

La transportiloj sur la lago estas pramoj, kiuj funkcias inter Kigomo kaj Buĵumburo. Kun averaĝa larĝeco de 50 km, Tanganjika lago prezentas multajn eblojn por akvosportoj. Subakva plonĝado, spirhalta plonĝado kaj la naĝado estas la malsamaj aktivecoj, kiujn oni ŝatas en la lago. En multaj zonoj de la lago, fosilioj de raraj specioj de fiŝoj kaj akvaj bestoj troviĝas. La lago ankaŭ provizas pri multaj ekipaĵoj kaj temoj de esplorado kaj evoluado por la maraj sciencoj.



Aliĝkotizoj

La baza aliĝkotizo dependas de tri landokategorioj kaj tri aliĝdatoj. (*Loĝado, manĝado, ekskursoj k.a. servoj pagendas aparte por ali-kontinentanoj*).

A = Norda Ameriko, Okcidenta Eŭropo, Japanio, suda Koreio, Israelo

B = Landoj de orienta Eŭropo, landoj de suda Ameriko, Ĉinio

C = Afrikanoj

Aliĝperiodo	ĝis 31.12.15			ĝis 30.05.16			Dumkongrese		
Aliĝkategorio	A	B	C	A	B	C	A	B	C
Kotizoj en EUR	20	15	2	30	25	5	40	35	10

Loĝado

En la kongresejo, krom amasloĝejo, estas unu-, du-, tri kaj kvar-litaj ĉambroj ĉar ĝi estas centro de Pentekosta eklezio. Eblas loĝi tie ege malmultkoste. Tamen en la urbo estas hoteloj kun prezoj ekde 20 € ĉiutage.

Manĝado

La kongreso disponos simplajn burundajn manĝojn (po tri (03) tage: maten, tag- kaj vesper- manĝoj) al ĉiuj gekongresanoj, kiuj pagis siajn aliĝkotizojn.

Ĉar gastoj estas reĝoj, oni klopodos, ke ili ne havu problemojn pri manĝado. KOKO, laŭbezzone, proponas al ili apartan manĝon. Tiukaze, la interesiĝantoj bonvolu antaŭkalkuli ĉiutage 10 €, kaj la kongreso ĉiam liveros al ili la preferatan manĝon, ĉu kafon, ĉu verdaĵojn, ĉu specialan bulkon.

Ĉiuj manĝoj okazos en la kongresejo, ĉiuj partoprenantoj kune.

Ekskursoj

DT1 duontaga al arbaro de Kigwena 10 €

DT2 duontaga per buso al Mugara 10 €

TT tutaga (loko decidota) 20 €

Ĉiu ekskurso okazos, kondiĉe ke minimume 15 (dek kvin) personoj aliĝos.

Bonvenon al la 6-a Afrika Kongreso de Esperanto (AKE 6)



13-20 aŭgusto 2016

“Esperanto, ilo por paco kaj disvolviĝo”

Por skribi al la organiza komitato:
ake-2016@yahoogroupes.fr

Bonvolu ankaŭ viziti la retpaĝaron:
www.esperanto-afriko.org

Rumonge, Burundo 2016



Karaj Geesperantistoj,

ANEB, la landa asocio en Burundo, estas la kunorganizanto de la sesa Afrika Kongreso de Esperanto (AKE6).

Tiu ĉi kongreso okazos en la urbo Rumonge, de la 13-a ĝis la 20-a de aŭgusto 2016 sub la temo: "Esperanto, ilo por paco kaj disvolviĝo".

La preparoj por la kongreso en Rumonge kreskas, la laboro akumuliĝas kaj la kunsidoj same kiel traktoj multobliĝas. La Kongresa Organiza Komitato (KOKO) disdonis la taskojn, regule renkontiĝas kaj starigis taŭgajn metodojn por certigi sekuran, bonan kaj sukcesan organizadon de la evento.

Rumonge, 70 km oriente de Buĵumburo, estas la urbo en kiu konstruiĝis E-biblioteko. Temas pri konstruaĵo entenanta plurajn ĉambrojn i.a kun-venejon, gastĉambrojn, klasojn... Ĝi konstruiĝis dum kvar jaroj danke al la fondaĵo "Esperanto en Evoluo" kaj solene malfermiĝis al la publiko la 7-an de septembro 2013.

AKE estas tutkontinenta manifestacio de la parolantoj de Esperanto. Ĝi celas fortigi la solidar-econ inter afrikanoj, progresigi la movadon kaj studi ĝiajn problemojn. Kvankam tiu tradicio ekis en 1990 kaj do estos jam 26-jara en 2016, la AKE en Rumonge portos la numeron 6, ĉar dum la periodo 1997-2012 ĝi ne povis okazi.

Eble pro iu aŭ alia kialo, vi mem ne povos ĉeesti la kongreson por rekte kontribui al ĝia riĉiĝo. Sed vi ja povas subteni la aranĝon, ĉu organizante reklamon pri ĝi, ĉu donacante monsumon al la Fondaĵo Afriko ĉe UEA kun indiko "AKE 2016". Bonvolu senhezite helpi por la vigligo kaj fortigo de Esperanto en Afriko. Ni antaŭdankas vin!

Adjévi Adjé, kunordiganto de Afrika Komisiono

Bonvenon en Burundo

Mapo de Burundo



Florklora grupo en Rumonge



Informe...

Kvankam temas pri Afrika kongreso, AKE tradicie rolas kiel okazo por Esperanto-parolantoj el Afriko kaj aliaj mondpartoj kunsidi kaj pridiskuti staton de la movado en la kontinento. Ankaŭ por amuziĝi kaj ĝui tiun internacian etoson.

Estas vere, ke jam dekomence, AKE iĝis kvazaŭ monda evento, ĉar en ĝi partoprenas geesperantistoj el aliaj kontinentoj. Kaj eksterafrikaj gastoj ankaŭ anonciĝas por 2016!

La aranĝo kunigas ĝenerale gejunulojn, kiuj partoprenas en la kutime interesaj kaj variaj programeroj. Ĉiam estas okazo labori, lerni, sperti novajn aferojn, amikiĝi, renkonti aktivulojn nur letere konitaj, sed ankaŭ danci, ĉeesti teatraĵojn dum la kulturaj vesperoj.



Unu el la plej interesaj programeroj estos la eks-kursoj al:

Arbaro de Kigwena

Peri-gvineo arbaro, riĉega en flaŭro kaj faŭno: super-abunda vegetaĵaro, grandaj Calaos (birdoj), diversaj simioj (el kiuj pavianoj vivas en grandaj familioj kaj aliaj primatoj), sed ankaŭ multaj specioj de birdoj kaj papilioj. Temas pri pitoreska arbaro, ununura en Burundo, ĉar estas la sola natura ekvatora rezervo en la lando. Ĉiĉerono gvidas la vizitantojn tra la arbaro per labirintaj vojoj.